

宜
焚
全
稿

宜樊全稿 卷十六

故舉忠有孝廉
能攻銳佐軍需
舉人不偏擢用
條議宜有事
存革方面方
考勳方小去多
考勤武烈有
勞勳績殊無免

巡按蘇松等處監察御史臣祁

謹

題為徵臣巡方事竣敬舉真忠節真孝廉仰祈
聖明鑒裁

賜謚

贈官以勸臣忠以維士習以彰
聖化事該臣伏查

憲綱內一欵凡孝子順孫義夫節婦忠臣烈士志行
卓異可勵世風者所在有司申舉監察御史核

實奏

聞旌表欽此臣竊惟人臣立

朝致

主必忠節是先範世居身以孝廉為本是以艱危偶
值乃見純忠板蕩時丁必需大節淡重易名俱
繫之以孝周嚴計吏皆冠之以廉臣子出優行
藏有於此缺一不可者然而蓋難言之矣不但
更張喜事矯激近名便為色取行違之偽品即
克自矜持有心表著亦非不愧不怍之完人此
必鍾異出于性靈而純修得自學問以故天若

在艱難險阻之際一試其堅貞人遂于坎坷落
窯之中失微其粹美然要之出處雖分兩端行
藏原屬一逆惟能虛而敦百行之源廉一恭之
義始能出而堅危言之槩標獨行之芳遂以移
孝為忠教庶飭節原有互証而自見若大哉

王言所云生平果係孝弟廉讓做官自然盡忠竭節
豈非萬世臣子不易之標準哉當今世風漸下
士習日渝筮仕而眷交持祿恒以為常居鄉則
間舍求田恬不為怪洪惟我

皇上深維興道致理之源猷收行修經明之用隱逸

開

奏薦之路舉人嚴奉處之條益所以悅流者而使淳培漓者而使樸也臣從任詔諭每于覘風問俗之時或詢之父老或攷之載籍欲得一二真忠節真孝廉以當

聖世之旌異使一時有所觀感在後世可為典型而不勝其難其慎者倘或品流未確則恐名實不符即使時論艷稱亦且表章有待惟其人已在

若隱若現之間其事已在似存似亡之介言湮
世遠忘發出光人去事遷尚徵潛德則允縉紳
學士必有一番躍然興起之思惄然感慕之意
此在

皇上勵世磨綱其用最神而臣愚闇出狀微于心亦
苦矣臣在吳言吳于四郡之中得六人焉敬採
其行實綜核陳之

朱純長洲縣人生三日遭家難即與其母繫獄
浚賴有司白其冤稍長為諸生孤苦自立正德

間成進士知景開二州俱以廉惠幹濟稱擢
南駕部備兵四川威茂時以平深溝諸部寇
功

賜金幣加封歷廣東左布政使又以勦平種賊再

賜金幣進都御史撫南贛已移撫閩浙足時沿海諸
郡奸民與番舶通因緣為奸利而以大姓豪
家為主紓拜官請一切泛軍興法聽便至泛
事及視事斥去黃墨綬貪汙者數人穷治通
海舶者排根蕩石剪除亡貸提兵平漳州同

安寇捕首虜六百人移師定海屢破蠻夷焚
艦船戮盡又大破賊于溫盤南鹿諸洋以忤
時凡數上捷僅一拜

賞後悉平佛郎機黑白番舶俘其首及餘衆四百餘
有言其為變者統下令誅渠魁為言者誣劾削
職聽勘純仇嫉豈吏大猾以為必死我歎曰
吾家無一錢且素負氣節安能對獄吏遂仰
藥死

陸梁長洲縣人治春秋照捷選度吉士凡七試

皆首以不謂謝時貴當散館渡試革一竟出
為工科給事中夙激受命三日聞邊警即上
言兵事又

請開弘文館與博聞有通之士講論政事優太學舉貢
諸生途與進士並渡上四事曰久任使慎考
察汰冗官復制科侃直言事亡所避時法司
典廠衛獄互異燉力持法司議遂下獄踰月
杖而釋之復劾輔臣張孚敬桂萼并以諸要
路夜草疏鬼嘯于庭燉大言曰我男子死耳

疏不可已嘯乃寂詰旦疏入罷二輔臣直聲
震動會有以蜚語聞者復下獄謫都勦驛丞
遷永新令平冤獄擒劇盜杖殺土豪數輩為
民患者以母老上書乞致仕即日歸鄉凡十
八年不通朝臣一字郡邑罕覩其面

葉茂才無錫縣人生而孝友痛母早逝每館歸坐
臥久側時刻定省萬曆己丑成進士授刑
部主事三月告南迎養改工部分榷蕪閭盡
革他稅不留一錢差竣上羨金數千疏曰久

早得通故有羨金請不為例且進美次非臣志
也蒙

賜白金松布以旌異改南吏部郎中再

請告歸久之起禮部郎中陞尚寶司司丞少卿又陞

南京大理寺丞擢太僕寺少卿家居十五年

至是始一出時言者謠論異同憇才抗疏相

闢往復侃侃不回且累疏乞歸又七年起太

僕寺少卿改太常寺少卿皆不赴陞南京工

部右侍郎到任甫三月即致仕布衣蔬食以

終其身居僅有堂三楹妻安人老而猶躬親
紡織以給餧粥及與諸同志講道論德功德
不倦無片紙入公府雖小夫稚子無不知其

清節

張基吳江縣人中嘉靖庚子舉人例得坊金一
日散宗黨略盡當會試時有勦者欲為遁地
堅謝弗應是年擬鬼選竟落第久卒葬事祖
母上南宮時忽念祖母病遽爾返棹自是遂
謝應舉究心為已之學所著有孝經附註讀

書疑獨鑒廣頤數十卷隆慶初元

詔求山林隱逸撫按橐薦力辭不應歲大祲賑米數百斛屬軍興族皆任役不忍獨以例先為請代于官徵家紓之產盡弗顧學既有得預刻込日主時趺坐而逝

一

歸子慕崑山縣人中萬曆辛卯舉人為文苑名臣有光子少喪父讀遺書必捧之而泣母疾衣不解帶者數月少具勝情若不可一世从有得于宴坐嘿存之學其擊專于訟已過若

創痛刺心毫不假借以是遘疾嘔血雖制家
妙天下竟絕意進取不與衣冠之會不詣府
縣不受當路問餽不為子弟應試干請雖甚
貧養其兄子之孤者養其弟婦之寡者自處
無不自得之言與人無不足之色所居里俗
皆化之甫強仕以前疾卒

朱陞宣吳縣人中萬曆壬子舉人念久母老一
再舉後公車往返不踰百日乙丑心動馳歸
歸則父九十尚無恙而母氏甫七十康養旬

餘遷卒識者謂誠孝所感自此遂絕計偕設
榻病久之側凡一菜一糜以至中单廁踰之
類靡弗親者與先臣周順昌為總角交順昌
中端禍時小民呼號稱冤狙擊緹騎閩郡震恐
多避難獨陞宣周旋于左右倍密後以親歿
拮据葬事不得辦致患噎膈卒以身殉葬門
下從游百餘人多一時耆老會殮之日相向
哭失聲

已上在忠節三臣勁骨不容膚功早建孤忠九

死回

天之諫草猶香恬退一生獨對之影食無愧在孝廉
三臣學修已底純全志行毫無餘疚高文懸
市士人皆挹其丰神至行飭躬賢者特欽其
蘊藉是真輿論允合國人曰賢者也伏乞

聖明鑒裁

勅部覆

請忠節者

賜之謚典孝廉者

贈以官階謚一忠節而使為人臣者知屈折雖在于生前
榮褒已及于身後庶乎各矢丹衷不媿阿以竊位而
致身效命可使

國事無虞官一孝廉而使為士子者知潛修無隱
而不彰國德有徵而必著庶乎自爰吾興無溫
飽之在懷而尚蒙敦倫是於士風有補此則諸
臣之偉烈清標可師百世而

皇上之維風易俗更越千秋美臣愚竊見文武臣應
得謚者不論年分遠近許撫按從公舉

奏載在

會典一書如臣所舉三臣又皆禮部訪聞所具而報
參疏中福建巡撫熊文燦曾薦舉人二員河南巡按

李日宣亦舉監生二人皆蒙

聖明賜允是以冒昧上陳實非敢于創舉也臣可勝

悚息待

命之至

崇禎七年九月初二日其題十月初四日奉

聖旨該部知道

巡按蘇松等處監察御史今降職 級正印 謹

題為恭

報卷次搜解贖錢仰佐軍需事竊惟敢事後會臣子之公誼也臣奉

命巡方大者期有裨於民生吏治即小之而助鈎濶
邊亦臣分內之事其故後焉况今虜犯宣雲徵
調轉集此時待鈎方旋臣誼切同仇自當亟事
稽核少佐度支之需再查各屬贖錢計人得銀
臺十四行蘇州府差官搭解又崇禎陸禁兩年

扣截吏廉各臺百拾載兩行常州鎮江西府差
官搭解臣先後奉次共解過贖錢伍千兩公費
貳千伍百兩搜括各項銀臺千伍百兩吏廉銀
貳百貳拾肆兩共玖千貳百貳拾肆兩此在臣
樽節一念絲毫為

公家之用總不致以長物實漏卮耳已經分行蘇
州府起解貳千捌百兩松江府起解貳千柒百
伍拾兩常州府起解貳千叁百陸拾貳兩鎮江
府起解壹千叁百捌貳兩伏乞

勅下該部俟解到之日照數查收而臣更有陳者事
例之停止此

聖明慎重名器之盛心臣子誰不仰體乃奉

旨在伍年拾貳月而臣之奉文則在陸年捌月其未

奉文之先皆援納之日也今如吏農一項納銀
之後有已考撥者有已資後者在各屬無可遵
行原非敢有違

明旨令計事例之納在陸年捌月以前者蘇州府計
吏農銀柒百叁拾伍兩儒官銀貳百叁拾叁兩

松江府計吏農銀肆百壹拾兩常州府計吏農
銀貳千兩劄錢零鎮江府計吏農銀貳百貳拾
兩肆府通共參千伍百玖拾兩劄錢零似可
供千軍百日之需查已實收在庫久之必成侵
匿應否解進或當發還伏候

聖裁益當

國計匱乏之時臣必使之分厘有歸着方不致以
脂膏飽蠹窟也昨經呈堂達部奉劄令臣
題明故敢因報解而并及之統乞

勅下該部查議施行

崇禎七年九月初二日具題九月西申日奉

聖旨這錢賸俟解到照數查收其吏儒搜納銀兩果
係未奉部文之先并著解追該部知道

巡按蘇松等處監察御史

題為循例薦舉地方人材以備擢用事徵臣奉
命按吳事竣得代訢有地方人材例應薦舉臣惟通
來四方多事我

皇上核實綜名正欲得實心幹濟之臣布之中外而
一時猶若苦于乏人豈必借之于異代哉蓋此
邇時眷晦與夫偶蹶技間者一拔擢之而皆足
為

國家用者也臣叩耳目之官且任諮詢之役念時

之所最亟者邊材也乃今有險要可聚米而談
謀畧可揮襟而出者臣不敢不薦念時之所宜
懲者貪風囂習也乃今有清標絕俗厚德鎮浮
可以成威騁撤樂之風著大法小惠之效者臣
不敢不薦念時之所欲講求者民瘼吏治也乃
今有訪艱厯試茂樹無前在民瘼則疾苦能調
在吏治則紀綱可飭者臣不敢不薦且以我

皇上謹言樂受直節時褒則今又有風飛塞謗之聲
懋著澄清之烈者臣又安敢不薦乎蓋江南為

靈秀所鍾從來奇杰名賢彌替相望而林下諸
臣此一時尤為濟濟林谷實則

岩廊虛倘蓋士聖肥遯之思人歌考集之什則臣又
不但為人材惜而且為

國事慮搜岩剗穴是所望于寤寐求賢之

聖明也然以臣之愚當此多材之地如操斧斤而入
鄧林安折施其擣取而猶不敢不失詳失慎于
廵歷所至或停轡而問或造廬而請必得之真
見真聞者方登之薦剡拔誠入

告萬不敢于

嚴倫申飭之始有不核之才品也如原任大學士周
延儒柱維象崧爵足承

天雅度休休胸備四時氣象小心翼翼身當大字矣
尤當時事之多艱奮謙謨而膺

簡命迨

聖恩之正渥謝鴻軸而甘里居後樂先憂念尚懇乎
北闕進禮退義望益重于東山但以

予告未歲不敢叙薦及讀禮未終入山未久者僅不

散叙薦外今將應薦諸臣謹核實陳之

王在晉蘇州府太倉州人錄壬辰進士授工部
主事歷員外郎中陞福建僉事歷參議副使
參政按察使布政使陞都察院右副都御史
轉工部侍郎改兵部陞本部尚書經畧遠東
改南京兵部尚書

請告回籍起南京吏部尚書加太子少保已丑改任
刑部轉兵部奉

旨回籍該職者得本官條地規天偉望安內撫外鴻

試經累岩闇則恢復五城二十七堡築熟帷
幄乃招徠八營三十大家成謀每燭于機先
論功寧居于人後此真戡亂之巨手也時艱
方亟

簡召宣光

申用慈蘇州府吳縣人緣發未進士授刑部主
事轉兵部歷員外郎中陞太僕寺少卿轉南
京太常寺卿陞順天巡撫奉

旨閱住起陞兵部侍郎陞本部尚書庚午虜退自陳

奉

旨曰籍該職看得本官世篤忠貞才兼文武蓋自連
籌樞筦以至秉鉞岩邊九塞之情形悉于指
掌五兵之方畧較若列眉及于樞府淳鑑正
直奴氣孔棘出其謀猷整暇卒使

宗社莫安此誠今日范韓之侍所宜

特加簡畀之任者

杜士全松江府上海縣人錄乙未進士授大治
縣知縣丁母憂起復補海鹽縣擬陞南京吏

部主事考選刑科給事中陞禮科右給事中
丁父憂起復陞太僕寺少卿陞南京太常寺
卿考滿加南京工部侍郎改南京刑部侍郎
陞南京工部尚書

予告回籍該職看守本宜宏猷經世定識巨時贊大
政決大機核姪高伏蒲之節進則難退則易
陪京隆砥柱之風蓋不特亮工熙績望在主
朝而且却軌杜門風堪維世宜膺

鳳詔以竟鴻施

于士廉鎮江府金壇縣人緣而戍進士授戶部
主事歷員外郎中陞山東副使轉參政丁艱
服闋補浙江按察使歷廣西布政陞南京太
僕寺卿陞通政轉南京戶部總督侍郎癸未
請告回籍該職者得本宜和而能任公以生明兵農
錢穀見左宜右有之才尤牧河漕盡可大可
久之政觀其純氣之所守亢若未孩而孤標
介節可謂善養浩然此真無愧清品足為
當代羽儀者也

顧錫時蘇州府崑山縣人錄已未進士考選庶
吉士授翰林院簡討辛酉福建主考本年降
調復奉

旨削奪起陞右春坊右贊善陞左春坊右諭德陞國
子監祭酒己巳給假省親在籍陞詹事府少
詹兼翰林院侍讀學士旋經

請告回籍該職者得本宣氣鍾五緯學本六經闡聞
特拔異才應

聖明闢門之典皆其休明

盛治勗教

皇猷之效也乃若純忠勁骨百折不回諛誠澄心千
秋自命允屬為霖之望詎宜韞櫝而藏

李凌雲松江府華亭縣人縣甲辰進士授諸城
縣知縣考選山東道御史陞大理寺寺丞轉
通政司右通政乙丑

請告回籍該職者得本宣博大精明忠厚正直溫而
栗清而和當其飛亮行素固已表著裏區矣
乃若謹萬天執躬修人紀一古一動居然範

倍維風鄉邦咸重為準繩

朝寧宜賓其每輯

吳默蘇州府吳江縣人錄壬辰進士授兵部主事轉糧部主事郎中陞尚寶司司丞歷本司少卿陞通政司左通政陞太僕寺卿辛酉告病回籍該職看守本官世道儀型文章宗匠自銀臺回寺出處大節皎然虛菴仕里居知覺先民卓爾即今竿牘不適于當路餽遺無及其門庭主懦廉頑真堪師世規古矩行允

足致

君名碩光推

時皆宜早

史弼鎮江府金壇縣人緣壬辰進士授崇安縣
知縣考選南京陝西道御史丁憂復授廣西
道御史掌河南道陞太僕寺少卿轉南京光
祿寺卿丙寅刑部員外郎

旨復職該職者得本宦忠直風成剛方間出自亮公
而歷月卿無一事不堪以揭日告

天無一人不脈共杖躬範世出則致
主雅有危行危言退寧忤時期于不愧不作蒲輪應
及黃髮宜咨

該自省鎮江府丹徒縣人繇甲辰進士授冠縣知
縣陞南京吏部主事歷郎中陞湖廣恭政轉
浙江按察使右布政陞江西左布政陞應天
府尹乙丑割奪今本

旨復職該官者得本宣歷進士熟雅雄碩望和易而
持之剛正宏博而出以精詳自作全秉鉉及

屏藩陳臬所石見和風甘雨皎日清霜虛外
孤標葉荷

賜環之詔歲寒勁節應歸列棘之班

李達節蘇州府吳江縣人錄丁未進士授行人

陞吏部主事歷員外郎中陞太常寺少卿陞
應天府尹陞南京工部侍郎改兵部總督而

廣戊辰

請告在藉該職看守本宦潤泓卓識練達鴻才秉鑒
鉉衡士稱克宅克俊旬宣南國民歌攸暨攸

歸時當波逐風靡已見矻然之繁林臯眷晦
未竟壯猷輪宜亟乎追鋒望先孚於虛席
毛士龍常州府宜興縣人繇癸丑進士授杭州
府推官考選刑科給事中辛酉削籍乙丑被
恭遣戍發衛又被恭逮閩戊辰奉

旨閱釋復職屢經疏薦起用該職看得本宦重名山
主直道絃張自入諫垣以未言人所不敢言
不能言丕昭折檻之風慘蹈鉤羅之禍乃峻
節凌千尋直上孤忠歷九死不回所當垂肺

詒音展其未舒偉略

凌漢翀蘇州府長洲縣人錄甲辰進士授福清
縣知縣考選陝西道御史萬曆丙辰奉勅武
弁奉

旨且著冠帶閑住該職看守本官惠風為度潔室盟
心性秉孤忠獨抱勤強之任力排群議不嫌
直道之難即令家食杜門非公不入懷憂

國匡時之略而以韜光歛彩為宗者祀彼高風允堪
殊擢

王元瑞松江府青浦縣人錄癸丑進士授太和
知縣考選福建道御史庚申

請假回籍旋丁艱服闋該職看守本官品則珠輝玉
潤度如岳峙淵泓方其綰綬西昌先揖禮悌
君子乃望初重於飛霜誠遞篤於愛日即今
恬修愈遠風節愈堅宜還簪筆之班用展埋
輪之采

李白秦蘇州府崑山縣人錄丙辰進士授開化
縣知縣調錢塘縣陞兵部主事轉吏部主事

歷員外郎丙寅劄李戊辰奉

旨復原官起用該職看得本官經儉妙手搏杖奇才
當其出宰花封便已神慈譽滿乃於冰鏡人
倫之際方卜賢才橐進竟以直節不容即今
衆止咸歸孤芳愈著至宜

徵擢用信

明倫

王陞松江府上海縣人錄丙辰進士授常山知
縣調山陰縣給假治喪補固安縣陞工部主

事調兵部山東主考陞本司員外郎辛未奉
旨閑住該職看得本官抱有用之才志無缺之學清
心不因人熟惠政每留去思過虧而舒尊俎
之誠因災而抗臣扶之論且明習典故熟請
違情可稱拔萃樞曹未宜沉淪遇軸

華允誠常州府無錫縣人錄壬戌進士授工部
主事陞兵部員外郎降三級照舊督事壬申
請告回籍該職看得本官道襟冲粹德字孤高自冬一
中冕厥以及桓部佐籌左右咸宜巨細畢舉

皆從格致之學探討得之以故清心一介必
嚴純孝三公不易宜膺

特起用振頽波

鄒之麟常州府武進縣人踰庚戌進士授工部
主事分考被劾補上林苑典簿陞大理寺評
事轉工部主事建議閑住該臣看得本官命
世文雄凌霄萬望冒蟠經濟一生饒有熱腸
身作典型三黜絕無愠色雖其窮居陋巷乃
且念切邊疆偉抱壯猷真堪為濟時之用矣

曹荃常州府無錫縣人繇戊辰進士授南京刑
部主事歷員外郎中癸酉建言奉

旨降五級調外任用該臣者得本宦英蔚妙才崢嶸
卓品明刑慎獄望已起於南曹矣而且矢志回
天盟心并疏身輕一葉進負沒點之愚忠空止簞瓢
退安顏子之樂志孤忱可

鑒雅抱宜舒

韓厥初常州府武進縣人繇甲辰進士授行人
陞戶部主事歷員外陞浙江副使轉福建參

政陞湖廣按察使陞陝西右布政使未

請告回籍該臣省得本官定力萬波莫撼卓識千照
廉窮餘廿年為文為武之猷歷四省于藩于
宣之績至於提師入衛倡忠義之先聲迄今
却掃在林懷經綸之碩抱尤稱人望貯作

國禎

陸文衡蘇州府吳江縣人縣已未進士授工部
主事歷郎中陞福州府知府陞浙江奉政陞
四川按察使陞山西右布政使嘗驛傳道因

四川巡按誤發勘合降三級調用該臣者得
本宦冰壺月鑑半標珠露天球德器自司權
專城及夫子藩東臬雖至難至劇之區無不
妙有搏挽化成而不見其跡此蓋節與五絲
並素才以百練彌精者也望重建牙亟宜推轂

魏沈初蘇州府常熟縣人縣丙辰進士任教授
轉國子監助教陞南京工部主事調吏部歷
員郎中陞廣東副使恭政庚午

請告回籍該臣者得本宦抉濂洛閩閈之秘登蘇湖

櫻下之壇懷濟世之真才而泊乎無營志甘
恬退粵崎方歌來暮虞山遠賦歸歟此蓋可
行可藏之身有守有為之學也宜加

超擢用表清修

董象恒松江府華亭縣人蘇已未進士授開州
知州陞兵部員外轉郎中陞福建副使歷奉
政

請告回籍以叙勑山冠功本

旨起用該臣看得本官受大宏才授難倚器如澧淵

之禦妖汀漳之却寇折衝指顧猷為爛然在
在可紀而持之以雅度恬修謙冲善下若此
救時之品應歌招隱之章

儲顯祚常州府宜興縣人繇丙辰進士授戶部
主事歷郎中陞湖廣襄陽府知府終養疏薦
起陞本省副使貴州監軍未任丁母憂服闋
補湖廣江防道副使陞本省叅政庚午

請告回籍該臣者得本宦節凜四知才優八面權閑
蓄儲捐羨以一萬三千七百計而且雍州隆

保陣之功江上靖萑苻之寇屢膺特薦肇起
鴻名已却米薪之憂宜使借箸而畫

徐禎稷松江府華亭縣人繇辛丑進士授刑部
主事告病起補歷員外郎中陞夔州府知府
陞四川副使告病起補浙江副使戊辰告病
致仕該臣看得本官忠孝得之家傳淡泊稟
於天授究心理學獨行不愧影衾雅志民瘼
舉世若繇飢溺觀其辭榮三次人競我恬似
此勇退之流必有匡時之畧

吳炳常州府宜興縣人繇己未進士授蒲圻縣
知縣陞刑部主事調工部主事歷員外郎中
陞福州府知府

請告今經雲南道御史趙之英特薦起用奉

旨俟覆該臣看得本宦清標玉立偉度山凝兩冠楚
循革選獨甘恬退半年閭守執法不貸豪強尤
難者却金暮夜清畏人知志矯矯其欲前才
英英可大用

王永吉常州府無錫縣人繇壬戌進士授定興

縣知縣陞南京禮部主事歷郎中陞福州府
知府

請告回籍該臣看得本官長才颯發潔守冰疑當其
製錦范陽已見思興棠芾及於

薦都典禮與夫閩海專城處見澹泊寧靜之操
事事有侃直端方之槩幹略尚多未展芳旌
不可久稽

張采蘇州府太倉州人繇戊辰進士授臨川縣
知縣告養回籍旋丁艱今服闋該臣看得本

宦無前經滌有用文章當其作令西江時任
水一孟召棠六幕已為海內第一清吏循吏
矣今其廬居卷載禔躬則幽獨無慚尚志而
天下為任宜出名世之學以為救時之需

已上諸臣伏乞

勅下該部覆議上

請恭候

聖裁酌用施行至如原任戶科給事中瞿式耜工科

給事中許國榮王都南京禮部郎中周鑑皆

奏感時觸事矢志陳謨此其熱血苦衷豈不
敬仰當

天心稍舒所學乃或以累疏之激懇或以一事之詐誤
我

皇上覆載為量雨露雷霆俱成至教而諸臣自困衡
以來才益練而志益堅儻伎之辰未時艱必
有可以享屯濟更者是在

聖明宏使過之

仁而非臣所敢必也臣備員言官竊附以人事

君之誼故因薦舉而併及之伏望
聖慈垂鑒臣可勝悚息待
命之至

崇禎七年九月初二日具題十月初四日奉

聖旨吏部知道

巡按蘇松等處監察御史 任祁謹

題為遵奉

明諭條議應行事宜以祈

聖裁事該吏部條議前事奉

聖旨奉差部司于地方甚有關係該撫按官一体舉
劾欽此欽遵目惟江南為財賦自出之地而游墾
一閑則浙直商賈所必經者以推算絲棼之所
每成蠹弊叢集之區此非精敏不能厘奸非峻
潔不能調潤于此可以覲守亦于此可以覲才

况在今額餉一加再加近更有新加一萬七千之數而去冬以蓄水築壩商舶為阻今春則流眉梗道江楚之飛帆巨艘竟無有源々而來者此時而能多方招徠極意節苟于商賈不增錙銖而

國課無虧毫髮則其清心惠政潔守敏才豈非有大過人者耶臣與部臣共事最久實得之真聞確見敢不特為薦揚之

進士都臣一員

督理游暨鈔關戶部主事許易清貞有國士之
風妙真濟時之手疏節則干尋勁骨持筹
以一片精心掌量必公耗羨无革而奸牙港
棍肅然一清故商民之戴頌真有入于肌髓
者乃且築培以濟運謀士以興文及于扶醫周貧
巨細精到于以見任國遠猷不但司榷之良
是所當荐揚以備擢用者也伏乞
勅下該部覆謬施行臣可勝悚息待

命之至

巡撫蘇松等處監察御史
臣祁謹

題為遵奉

明諭條議應行事宜等事該臣按吳事後復
命訪得游暨鈔閱戶部主事許易為司榷之良應備
擢用未效擅便謹題請

旨

崇禎七年九月初二日具題十月初四日奉

聖旨該部知道

巡按蘇松等處監察御史
臣祁謹題為循例薦舉方面官員事竊照微臣奉命廵方所以上宣

朝廷之

德意下恤民生之疾苦者臣屢累而下之守令屢累而上之醫惟監司是賴是以宋臣朱熹有言曰監司者守令之綱也故監司勤而守令不敢怠監司廉而守令不敢貪以言守猶表正而影自直也在今考成之法既立黜陟之典惟公為臣

子無不日凜：子

功令以惧即子陨越日之倚監司重而監司原自不
不處于薄日之督監司嚴而監司原自不處于
寬適當地方多事有司乏人蓋有守令所不能
為不及為而日無不與一二道日政：為之者
同甘苦同利害而且同任怨與任勞是知監司
之真莫日若也今日巡歷已周例應荐舉除京
任蘇松道右布政使沈萃樞博大中獻萬應而
不竭嶙峋氣節百折而不回素擅鴻名可當大

任已經

請告回籍不敢槩敍外謹將應荐諸臣核實開列

進士方面三員

蘇松兵備道右布政使周汝弼峻壁千層勁節

洪濤萬派宏才于凡懲奸剔蠹飭備周圍俱

以一片血誠懇切周至真可貫金石而泣鬼

神以啟庶寮象指禹度維貞居然有大法亦

廉之效

蘇松常鎮督糧道右叅政王象晉以峻潔居身

以公忠任事而敏才卓識更足以剔厘漕弊
調劑軍民江南值物力匱訛之時乃能挽遲
為速輸納独先督本官解脫宵露之力蓋其
功在

國儲矣

常鎮兵備道副使徐世蔭清心亮節大器靈襟
識足以鎮燭略足以濟变所至而寬嚴並用
威惠交孚凡于飭吏綏民安良戢暴規畫者
皆可大可以足當地方安危之倚

已上諸臣皆方面之良所當一体荐舉再照江南之司道實與他處迥異以巡兼守以備兵而兼藩臬諸凡漕渠之通塞營伍之整頓防海防江之險要與夫重大之訟獄督催之錢糧何一不責成于司道而漕儲居海內之半年來軍民支敝籌畫尤難督糧道臣王象晉當三運之飛挽以瘦艘為家櫛風沐雨在漕諸臣勞苦功高似無出其右者卽縮資一轉尚未有以酬廉卓之舉也至蘇松道呂周汝弼以中臺直節蒙

恩賜環再舉卓異數歷四省其急公任事不以内外
易心有古名臣度烏常鎮道臣徐世蔭當宜變
方張之際子不動聲色中能使奸渠立殛即此
一段沉檄妙略可備

國家之緩急者日皆心服其賢故並表而出之以
儲節鉞之選內督糧道臣王象晉雖經報陞尚
在督運例得並荐而臣更有陳者縱來奸民之
難理也較寇盜為甚宜邑貌形雅弭人心未固
常鎮道臣徐世蔭向已擘畫于机先今尤綢繆

于善後是以士民見其資俸已深瓜期將及惟
恐一日失本官而臣亦再四籌之非但為一邑
慮也常鎮兩府控扼長江之險如去年江北之
沙賊今春楚中之流寇皆震隣有覩道臣彈壓
軍民所賴為重而世蔭脩葺船械創建營房簡
練士卒無不備有苦心此真足以當鎖鑰之任
者若加以一銜在本官原非分外而俾之久任
則實有關係于地方撫臣張國維亦隨常有疏

上

請矣若論此地事煩責鉅衝刷無兩人之所望而畏

焉者臣惟爲地方計故不暇爲本官計耳我

皇上念切封疆當茲根本之地次周桑土之謀或不

以臣言爲煩凟伏乞

勅下吏部再加查訪如果臣言不謬將徐世蔭加銜

留任周汝弼等一体優擢庶屏藩之債隆而寮

寮之紀綱益肅矣臣可勝悚息待

命之至

巡按蘇松等處監察御史臣祁謹

題為循例薦舉方面官員事該臣按吳寧後復
命訪得蘇松道右布政周汝弼督糧道右參政王象
晉常鎮道副使徐世陰皆方面之良應分別優
擢加銜未敢擅便謹題請

旨

崇禎七年九月初二日具題十月初四日奉

聖旨吏部知道

巡按蘇松等處監察御史 申祁 謹

題為徇例舉劾有司官員事竊照微臣叩奉

簡命原有察収之專責况江南民生日見凋瘵賦役
夙稱浩煩倘有一不肖者側足其間則墮事殃
民較他省爲尤甚察史者安得不凜々焉入
境以後即與之申明禁約諮詢要務期于共捐
格套各洗肺腸而且耗羨有革行鋪有革布解
白糧諸大役之陋規有革時時稽核事事責成
皆目之所謂察吏而無敢以刻急也乃此中官

之乏事之多與夫肩任之難勝指摘之易起則
亦有大異他省異者蓋臣屬四府十九州縣正
佐官不過四十二員乃採自簡以臨之者有三
督一撫一操江臣等衙門七差以四十二屬吏
供十二上官之統轄奔走不遑暇疵易見况經
年之中或陞遷或更調或補選而未來府官掌
缺其一府佐掌缺其四縣正常缺其五而臣入
境以後右渝年年撫臣糾其一學臣糾其一漕
臣益臣江臣也臣又各糾其一臣于入境糾一

人

大計糾四人以宜交墨累而去者二人嗣後又有相
維報

命者矣苟非才而卓然鮮有不中道而蹶其得免于
吏譖者皆半推萬擊之餘才以糾紛而愈老識
以歷練而愈精者也然且積逋苦于難究積案
苦于難理內苦于劇外苦于衝蓋真有連宵廢
寢徹日忘食者其勞百倍其難亦百倍日得之
身親目擊而今當事竣之日若不一薦賢吏薦

揚則奚何不以灰任事之心削旁臣之色乎乃
又嘗聞之察吏者寧嚴毋寬寧察察為鷹鸇
之逐毋容々作鳶鳳之称則不必其貪汚匪類
也卽庸闇之侍凡有可摘之瑕穎不憚興府道
廳再四搜剔其糾劾曷敢後焉除常州府知府
王觀光清真饒有經倫博大雅能負荷今徑以
水土不服

請調蘇州府推官周之夔執法每徵卓識明刑独運
精心今徑以親老

告卷俱見在候

旨不敢槩叙又如鎮江府推官雷起劍卓見英標可

期停暨吳江縣知縣章日炌夙稱端品曾擅孝友之稱崑山縣知縣葉培旭具有忠襟優嘗盤錯之任俱以莅任方新亦不敢槩敘外今將應薦應劾者核實開列

應薦官一十九員

進士知府二員

松江府知府方岳貢敬莊以臨先勞無倦惟是

一清徹底故識定而明力定而卓凡文事或
倚恤役捍灾皆為久大之政而尤難者以教
化先刑罰其治行非輓近所有

鎮江府知府王秉鑑品端而粹才練而宏見到
處矻定如山一本之于無缺之守是以秉公
率屬崇儉戒靡正其本以澄源草昧為列城

師帥

舉人同知一員

松江府今錄調蘇州府同知張讚才諳練達識

見精詳部運萬苦備嘗掉符百廢具舉迄以
海濱要地議調蘇防尤資其振武詰戎之力
貢士同知一員

常州府同知蔡如葵茹糜飲冰之守理紓濟復
之才委之以難苦之任無不慷慨擔荷如浚
河造船懲奸戢宄所至奏績幹略真有過人
者

舉人通判一員

蘇州府通判樊大美器識淵涵才猷迅敏兩善

部運茹人所不堪之艱難而攝篆之應煩理
劇如承蜩弄丸皆出于瞬然之槩

進士推官二員

鎮江府推官周廷鑑照世一枝瓊樹凌霄干仞
擎峰介節英姿秉之虛衷恬養所以平爻鑒
衡各臻其妙七年明允萬口頌歌是真難名
之大器

常州府推官吳兆慶挺勁卓如山立清嚴凜若
霜凜惟能夫志操持故竿牘不徇聽斷無私

督尤勗精皆以實心為實政

進士知縣十一員

嘉定縣知縣束方輝清超軼世才華卓傑坦時
骨方以廉潔範躬而去儻革弊舊器積備皆
妙有摶挽粹然成神慈之政品與望可稱國
士無雙

常熟縣知縣楊鼎熙慈愛花明春谷操脩月映
寒潭以左宜右有之中捍大荒除大盜平大
役皆於矻然不動中具有真實之經濟

武進縣知縣程九萬才情宏博品度端方於凡
興厘綏戢如發積弊如擒巨奸覺其萬應咸
宜此真有為有守可徵絰世遠猷

華亭縣知縣張調鼎貫斗宏才凌霜潔守克漕
審役竭盡字民之心而批郤導窪以出之事
事必歸于粹美心如水政如錦允冠循良

上海縣知縣劉潛堅貞可常而鍊凝定足砥萬
沵遇事有沉心遠略總期于惠愛斯民如開
河清賦任人所不敢任之勞怨此真異才天

授可以名世期之

長洲縣知縣涂必泓梓品璧迷玉韞俊才焯爾
霞飛洞徹於胥弊民情故應手創裁無不見
其精當以簡理劇以靜鎮叢可稱声寔拉茂
吳縣知縣楊雲鶴性地晶瑩八面操持峻絕一
塵折獄匠心案無留牘催徵得法民自樂輸
天快無前真是少年偉器

丹徒縣知縣張文光天韻恬夷風猷峻偉凡恤
民弭盜之方不吐不茹競綵有節士民頌服

翕然真為循卓之選

金壇縣知縣柯友桂溫栗玲瓏之器清真冰雪
之標善催科嚴保甲以及平漕濟運皆以英
敏之手出之冲夷固是經緯妙品

宜興縣知縣石確擔當以見勁骨數歷益砥貞
心惟其雅意清恬故舉從來橫纏橫弊與積
沿之陋規洗刷必盡奸民畏而良民懷碗作
狂瀾之柱

丹陽縣知縣王範端嚴樹品愷悌宜民門以內

肅然門以外熙熙載其清靜之理已見改通
人和而近來大盜屢擒尤爲保障之績
舉人知縣一員

崇明縣知縣顏魁登砥節清端當檄果毅海民
游罹災患竭一片朴實誠心力爲拊恤及當
江北寇警卽部勒民兵益埠萬平賊巢厥功尤
偉

已上諸臣皆一時有司之良所當薦揚以備擢
用行取者也再照江南爲重賦之鄉亦爲積逋

之數其錢糧動以十數萬計足額較他處尤難
年米徵輸無項不急故參罰疊至有司之被此
者十人而捌攷在

皇上留心吏治原不以催科之故掩其拊掌之長近
且有秉誦吏治之

明旨則

聖明鼓舞人材允諸長吏濯磨自見之會日不敷以
參罰故格于薦剡之外致人材有湮鬱之嘆即
如知府方岳貢非膺參罰最多者寧然其政治

實為卓冠蓋不袒裘裁凜然蒙石屏息而于地
方綱鏹峙儲皆為數百年之利賴乃若七年之
內不手一錢則又今日茅一廉吏某徑以卓異
推舉矣在今四方多事語云得一賢守如勝兵
十萬豈可以逋賦一端使其久懷淹抑况本官
有督催而無徵收之責皆為上海積欠所累該
縣連歲凶荒印官屢易原非本官有怠蒞之故
在本官致：奉公固絕不以升沉為念而

聖世有此循良不一特為鼓勵其何以為他有位者

勅在昔漢庭首重二千石入為公卿故治平神
爵之間龔黃曆出而

祖宗朝若况鍾若何文淵等皆欠任而超遷之本官殆
其人歟況在今降罰有帶陞之例舊久有分年
之條是以臣敢冒罪

上陳伏乞

皇上俯採輿情將本官破格優異使海內之為有司
者咸知

聖心軫念民瘼拔一廉吏以風示天下有不共矢赤

衷以保黎庶無是理也至于推官周廷鏞玉骨
冰心真可肩鴻任鉅以應

清朝彙征之典允堪冠冕一時雖任行取以尚未考
選例得並荐嘉定縣知縣來方輝常熟縣知縣
楊鼎熙武進縣知縣程九萬俱以六七載之俸
已在截取之中第因前件未完奉

肯復任料理以三令之才品猶之璧粹珠輝人所共
寶乃當衆正連茹之日豈可使尚有遺賢况其
中已有完解如數而方輝則臣曾為具

題矣似宜一体考選以信

明倫而收賢良之用者日又念此中民力匱訣皆賦役不均之故是以審編一役為民生大利大病所閼而松江賦役之煩重尤冠江南此非破情力任必不能清詭寄而絕花分以日所見如華亭縣知縣張調鼎上海縣知縣劉潛審編浮法入服公平寧使役有餘田不使田有餘役此江南撫字中第一秉而劉潛之救敝補偏使疲邑漸有起色其才尤不可及目下在三扁審編之

會日散表而出之以勸夫急公者

應劾官二員

貢士通判一員

常州府通判胡士驥襍線無長銘刀難割一本
官委署常熟縣印先是該縣奉臣汰革壽手
卑快二百餘名本官在中途時即受奸吏屈
從義徐希仲辦稟將已汰壽役沒收入卯簿
一奸吏居從義等既稟收已汰壽役居以為
功廣行索謝各壽役不服其璽本官不為斷

理致奸書李仁等于正月初八日鼓噪公堂
本官倉皇無措申文称官糧縣丞楊聚奎檄
糧激变仍出示招告聚奎經督糧道查本日
各粮里俱在倉交兌漕糧並無激变情縣臣
面詰本官言為李仁等所挾備此却責臣見
將李仁等嚴加究擬一本官因鼓譟之後又
向各役謝過聽憑要求將七年錢糧兌支縣
票作八年工食後楊知縣復任查出收回各
票仍徵作正項起解一本官于六年十二月

初六日署印至歲暮二十六日猶比錢糧致
里役曉：不服一本官初到常熟即被丈書
施時化俞檄平以政等牒蔽于十二月二十
八日私放福山營兵糧不申解本府不掛號
院道目見將時化等查究一本官聽捕快潘
文等鑽票嚇拿王應登詐洗米麥銀錢五十
兩仍監禁不審里排莫斌寺証一本官聽徐
廷相等營占伊族徐一貴祖坐刑夾一貴又
坐廷相又囑若役馬俊攬指麥種倣賊致貴

情切告江臣詞証一武進縣周江為積賊所
挾不審來歷即行羈誦及署常熟西閔月絕
不吊寢致本犯疫斃其妻施氏哀控証一本
官委考武進縣童生卷不親閱以致孤寒遺
落各童擁擠揪奪本官僅以身免此一官者
左右為好事權不能杜擋寬嚴失當措置每
見乖方催科既無優急之宜誠決復有淹沉
之弊所當照浮躁例降調者也

舉人通判一員

鎮江府通判今陞廣東廉州府欽州知州周瑾
貌類侏儒才同下來一本官批追節年拖欠
米糧耽延二載任憑羣役受賄賣放竟未追
納分毫一本官督造六年漕船二十三隻因
循怠緩延至十一月代

覲入京工程止完三四分錢悞漕事一本官帶管海
防廳聽書手薛國用撥置夜深點查各衛守
柵更大中有不到者任憑國用得錢賣放本
官並不覺察拘責一本官帶管海防廳擅准

久監盜犯首詞差役妄拿良民任憑嚇詐本
官若周聞知後被害連名告府將監犯廳差
重慶此害始息一本官署冊徒縣印以民壯
工食兌支自討各役將生員凌辱不堪致通
學公憤具呈猶然坐視不理一任衙役縱橫
一本官代署縣印適值日巡歷地方例應開
送丈書減否廳信廳書周世招指名嚇詐竟
將大奸朱應星等曲庇止開小過塞責一本
官職嵒糧務復廳丈書希圖併官捕務查捕

廳向已歸還海防而日批發捉捕之詞則仍
聽吏書爭歸本廳承問殊為越俎此一官者
性資閑昧司度莫展一籌言動張皇代署乃
滋多口惟憑狐鼠成羣洵是鴻駕難策所當
照不及例調用者也伏乞

皇上初下吏部再加查訪如果_臣言不謬將方岳貢
等擢用考選胡士廉等分別錄處庶吏治澄清
而民生有賴矣臣可勝悚息待

命之至

巡按蘇松等處監察御史 朱祁 謹

題為循例舉劾有司官員事該自按吳事後復
命訪得知府等官方岳貢等一十九員皆有司之良
應分別擢用考選通判胡士驥等二員不職應
分別謫處未敢擅便諱題請

旨

崇禎七年九月初二日具題十月初四日奉

聖旨吏部知道

巡按蘇松等處監察御史 且祁 謹

題為徇例舉劾武職官員爭竊照目屬環江抱海內匯太湖當盜賊出沒之鄉為夷寇窺伺之地拊戢銷弭固有司之責而折衝禦侮則諸武臣事也言擇將于江南之今日不其亟乎然將師之貪廉賢不肖以視其士馬之強弱器甲之利鈍船隻之堅晚庶乎得其槩矣然非賞不勸非罰不懲又行師之要道也臣叩有綜核之任可鼓勵者則鼓勵之應責成者則責成之若其鼓

勵而更加勸責成而不知悛則有徇例之舉刺
在除撫臣坐營遊擊王尚德戎行宿將閻外雄
風塵俸尚淺金山營參將沈嘉謨任事心真取
兵患洽已經陞任俱不敢槩敘外今以應薦應
勅者謹核實陳焉

應薦官二十員

副總兵官一員

江南武進士世職百戶副總兵官許自強半儀
倜傥才略沉雄以冰蘖砥躬以醪醕拊士卒

來却寇銷氛皆其賞罰嚴明之效蓋可謂智
勇兼備真海上長城也

參將官二員

金山營武進士參將張超以通今博古之儒具
料敵出奇之略歷奸飭備毅然舉行而恩威
兼施能使士卒用命此誠有拾萬甲兵他
日必成名將

永生營參科武舉世職指揮參將桂本枝身經
戰陣膚富韜鈴地當江南北之要衝本官拊

循士卒能使壁壘精嚴往符銷戢足徵禦侮之略

遊擊官一員

劉河營武進士遊擊鄭維城說禮敦詩知謀善

戰前年崇明告警本官親涉波濤窮追劇寇

致其焚舟散黨乃且口不言功人咸服其勇

胆器量

守備官一員

標營三科武舉守備湊鼎鑄胷富大勛技長七

繁當浙氛報警之時卽殫心籌畫如建樓峙
備鑿：可行而訓練精勤可需專閫
把總官七員

吳淞陸營世職千戶加級指揮把總朱士胤饒
有壯懷兼多偉略請櫻惶慨每於人所畏避
之處振臂先登頃者安慶貼防行伍整肅更
見一而之才

吳淞遊兵營今撫臣議調福山營世職指揮把
總汪秉日才情英偉識度老成協勦不避艱

危束兵能同甘苦若獲盜獲益獲閑出之海
船具有成績可稱干城之選

吳淞水營武舉把總閔洪得滿腹皆兵一身是
胆卽其勦禦海寇清覈軍糧已見廉勇之槩
而技擅火攻尤得制勝長策

福山營今撫臣議調吳淞遊兵營三科武舉把
總張其威智廉威具謀勇兼超捐貲備器軍
容煥然向年統兵入援著有勞績夙儲登壇
之望該撫臣以遊兵營原備征調應援議調

本官更可於盤錯見利

拓林營會舉把總程應璠氣魄赳雄才情果毅
凡剔厘脩建孜孜竭誠置其身於利害之外
其胆其識不特偏裨翹楚

川沙堡武進士把總蔣其仁桓桓偉質濯濯英
猷較會哨查閭之規清冒糧負支之弊地方
寧息之文甸無虛報可覘任事恪勤

上海營三科武舉把總褚士麒雄赳赳氣淡泊
疏操汰革惰兵時巡險汎值山荒而防守嚴

密其才有足自見

總練官六員

蘇州西陸營世職指揮總練包文達英標鶴立
壯志鷹揚領運飛輓猶先清叱駛蹕不擾及
於東兵整旅見其練達明通允堪大用

宜興營總練楊大相籌畫出之深心疾徐俱得
念切循繩領運全完又能代親補欠傳宣之
倚此其稱最

常鎮道標況營世職百戶總練陶洪極虎器雄

姿驍驕壯氣不但中權令肅而況毅有謀凡所馳驅無不奏效

巡江營武舉總練吳宗進才堪借箸勇足推崇向在靖江以潔己愛士有声於諸弁中茲當京口巡江地方尤賴為保障

蘇州東陸營世職百戶總練尹尚元才稱夙練氣足先登傳宣則秉令惟嚴訓練而折衝可藉式遏之略此其人歟

太倉陸營世職千戶總練姜雲鵠飲冰任事橫

梨臨戎清查營兵虛冒造用給牌勤加操練
而製器備械尤見料理有法

世職指揮一員

金山衛指揮同知魏仁濟氣槩軒翔才猷練達
管屯而催徵籽粒勤恪無染可稱世職白眉
已上諸臣皆武職之良所當薦揚以備擢用者
也內副總兵官許自強在楚之鎮草夙擅威名
及後任而當操賞裁減之後捐貲訓練卽先將
士北勦扼港之寇東設羣山之防此真可以鎖

鑄三吳之門戶者臣以其資俸已深會撫臣呈
堂達部請照例加銜久任更祈

聖明鑒裁施行又如練漁為兵行以保甲之法使海上絕句引之奸漁船無擣劫之苦此為筹海要

策臣向于疏

奏中條謀之自強設誠力行之而參將張超把提
程應璠又能統禦有法早死間傷以故近來三
次出洋俘獲纍々是亦足以生組練之色所當
拈出以示鼓舞庶諸將人知效命也

應劾官二員

把總官二員

南匯營世職指揮把總趙元勳才本殊庸志亦
萎薦穿線一憑提掇委轡不任驅馳一上年
六月內放春李口糧腰憑識字左承立薛應
札將選鋒五百餘名勒指不放每名索和銀
二分三分不等放衆選共憤本官付之不聞
一哨長左進寶楊之玉賀文等包攬青浦汎
未俱將糊未裝載回營衆選臨放不服進室

等託李玉峯央求本官強將爛米給軍令營
怨恨一隼人吳潮崇禎四年間將女賣于夏
霄為使女痴病身故族人吳興孝思得詐財
將人命事情具稟本撻擅受其詞差薛應礼
戴拘任其索詐一營虛鞠尚蒙鞠大倫鞠弘
士鞠弘綱等父子兄弟冒頂兵糧二十九名
每遇操點徧募市人應卯甚至老弱疲癃俱
聽充數本官不能溼汰及至伊族鞠泰寧等
縱橫無忌枉抬僧人方始具文申報一上年

十二月內縱捕盜賊仁諸勝等裝載私鹽五十餘包載至北高橋地方貨賣被嘉定縣捕快捉獲船監本官星夜差選鋒夏之選趕至北高橋夾總甲林順之行賄于捕人得放兵船歸營一本官倚信李玉峯為腹心凡地方事與營伍不相干涉者輒聽私票出票拘人殊覺生事一本官急于訓練尺兵選哨日不能閑空舉石者悉聽李玉峯濫收入伍冒破兵精一本官到任至今從未夜巡一次以致

哨捕偷安竊盜興盜股公行此一官者居身
不潔馭下沒練卽其訓練之無聞安望疆場
之有用所當革任回衛者也

青浦營三科武舉把總王隆世輩多逞牷動見
招尤惟知盛氣以加人罔事詰戎而檢伍一
該營新投之兵半屬官僕縱橫異嘗上年十
二月內孫孝王龍馬忠等酗酒打馬二周四
等家稟之本官不問反將稟人喝罵以致百
姓畏兵如虎噴有怨言一營兵宋元周承志

趙奎齋慕朱文許升以病為名不赴操演本
官任其侵消坐食衆兵有偏勞偏逸之嘆一
縣民邢玉與興金光爭地營兵楊榮偏護金
光興玉聞殿邢玉抱憾卒及本官署官責玉存
体本官又偏申文書致玉受禁而死寡婦幼
子赴懇可憫一該縣燒香山被刦其盜經過
城下縣役捉獲秦大王科志府役捉獲沈明
李升本官寂若罔聞竟不追趕以致大盜遠
遁一本官充支兵糧先將人戶易充者扣作

已俸又復全加一年以致兵多缺餉且重等
秤收糧戶苦之一妄申文書謀增兵百名惟
圖補兵之常例為道臣所駁一本官以生辰
為名需索書識班頭及李時曹成陳心華等
等不預官箴一本官惰于訓練又不查點以
致陳祥汪宗馬奎張奉沈本將兵器典充賭
飲及至臨操徒手站立本官亦不詰問一營
囊高升陳祥汪宗丁士元等每及祿曾扣糧
演戲及至凭領貪兵糧少爭聞本官反焉

怒以致咎忠猖狂此一官者縱兵如逍遙河
上不止失伍之三律身已決裂大閭豈識守
箴有四所當革職回籍者也伏乞

勅下兵部再加查核如果冒言不謬覆謨上

請將許自強加銜留任張超等循資擢用趙元勲等
分別被革庶營伍虧而士氣振生可勝快慰特
命之至

巡按蘇松等處監察御史臣初謹

題為衢州舉劾武職官員事該臣臣按吳寧後漢

命訪得副總兵等官許自強等二十員才守可覲應
分別加銜擢用把總官趙元勳等二員據該彭
聞應分別褫革未敢擅便請題請

旨

崇禎七年九月初二日具題十月初四日奉

聖旨兵部知道

巡按蘇松等處監察御史臣祁謹

題為徇例舉劾教職官員事臣惟學較為風化之源師席乃人倫之表我

皇上屢煥

明綸首重德行則此司鐸子胥官者不亦重有淑世維風之責乎臣巡歷所至例有觀風之役而臣沒聞舉會課就文品士風而教職之勝任與否于此可見焉今日舉刺並行署篆有禁

功令已一新矣廣文中亦遂革自砥礪以期不負

作人之任在今有文彩可觀風節自堅者臣安

得不拔其最以薦揚若其昏眊裂簡與夫衰殘無用臣又不敢以寒斃之故而寬假之也謹以應荐應劾者核實陳之

應荐教職十五員

舉人教諭九員

崇明縣儒學教諭黃扉玉質金相氣韻雲蒸霞

蔚才華學識文章卓然師範當推時彥之最

太倉州儒學：正陳時瑞博雅端方言動間有

嚴毅之色可以式靡挽尊儼然是先進遺軌
丹徒縣儒學教諭吳永澄皭然有品煥乎其章
與諸生課義論文許題精當不愧蘇湖風範
常熟縣儒學教諭蔣爾揚溫文雅度藻麗雄才
立會課清學租捐金而葺宮牆皆實心為之
可以卜他日之經濟

長洲縣儒學教諭史明載智襟宏遠氣宇軒翔
却贊惟嚴整規必肅矻然以名教為已任

嘉定縣儒學教諭劉啟脩質行可儀文心有斐

吁唔攻苦杜門蕭然自是凌霄俊品

無錫縣儒學教諭楊汝翼和厚穩軽清真表物
束諸生廢而有礼舉者孝公而不私洵稱士
林翹楚

清江縣儒學教諭余憲儀韻入芝蘭品端圭璧
與諸生課義以身先之丹黃成帙蓋大雅不
群之器也

吳縣儒學教諭諸士翹性資渾樸軌範端嚴凡
課文能抑靡崇雅近來吳士多好脩砥節本

官有訓廸之力焉

選貢訓導二員

鎮江府儒學訓導黃廣鴻文鑄古道器範今著
書立言有承天主人札樂諸編不但硯胸中
淵博且可為後學準繩

太倉州儒學訓導徐應堂範身造士居然有物
有恒而且明于世務可稱有用之才

歲貢訓導四員

松江府儒學訓導曾席之粹貞玄心深探格物

致知之學與之語經濟如叩大呂黃鍾名下
信無虛士

宜興縣儒學訓導徐汝鑒持躬玉立掞藻雲生
以孝友之門風出而範士自足為絳帷名彥
太倉州儒學訓導劉文抱負不凡操脩更勵向
考課之外不以塵務絆心克為垂士樹範

武進縣儒學訓導石汝礪學堪振藻行可雖風
觀其談經教士侃々不羣是誠堪為世用者
已上諸臣皆教職之良所當薦揚以備大館有

司之選者也

應勑教職三員

歲貢教授二員

鎮江府儒學教授梁懋廉甚矣其衰戒惟在得

本官年近古稀五官頽廢惟較諸生贅儀多寡瑣于錙銖之間見者掩口令門役丁榮盛貴需索丁憂生員荆允元李琪枝馮日森等常例不遂將丁憂呈詞徑年況匿臨場混填月日致學臣查究又借報劣為名廣行挾

詐得財賣放臨時無可開報遂以已經前學
臣懲戒過劣生林公梅等重複混填致府臣
駁正此一官者居心已屬穢鄙舉動每見乖
張

金山衛儒學教授宿爾學師範不端官方有玷
本官一意換獵視費宮如墊斷有吳鼈誣陷
生員計六奇本官受鰲銀四兩輒令鰲自做
審語送學標卷張声國可審又如奸民許硯
串通沈氏攏開無影單款誣生員王廷林本

官居為奇貨勒要廷杖銀三十兩廷杖被迫
不堪稟府官捉究及覘其舉止則衰頹已極
當大祭之時跪拜踉蹌不能成禮此一官者
未嘗無謙之性不講可以無取之義勿思已
上二臣所當照不謹例處分者也

歲貢訓導一員

吳江縣儒學訓導陳嘉謀暮氣已深夜行不止
本官年已衰邁足淺偏跛卧病經年當教諭
分齋偶缺時學規盡廢現風之生員遇學役

混報名士多不入試目至其邑欲一謁見而
不能乃惟屢次恰假不知引退此一官者既
不能振鐸膠庠宜令之眷疴牘下所當照老
疾例致仕者也

再照從來擇品于廣文難而擇品于明經之廣
文更難蓋多氣竭于再鼓之餘才窮于日暮之
際而江南此際適有夙學名流設斂其地者士
子爭慶得師竟為一時禮堂之盛事目興道府
廳諸君指屈而教無不愛且重之念書生下帷

攻苦不能乘時博一第而僅屈首明經此其抱
泣玉之悲待金門之詔者不知歲許年矣日者
不一為薦揚使之蒙見穎則雖英才碩抱亦
轉賜易銷沉耳其何以勸青雲之氣表白璧之
操乎雖於前此部

題之例目已稍溢一二誠以適際多才或不妨于
冷憊一途示鼓舞撻以仰体我

皇上廣勵學宮崇重實學之

聖意耳况合計薦額向有二十餘人而今尚不滿于

十六此外有才品彬々如嘉定學之劉之襄青浦學之徐日隆尚不無遺珠之嘆以是見臣之原非敢有濫舉也伏乞

勅下吏部再加查訪如果臣言不謬將黃扉等一体選用梁懋康等分別議處庶於文品士風少有補裨矣臣可勝悚息待

命之至

巡按蘇松等處監察御史
臣祁謹

題為循例舉劾教職官員事該臣按吳事後復

命訪得教諭等官黃扉等一十五員皆教職之良應
分別擢用教授梁懋廉等應分別議處未敢擅
便謹題請

旨

崇禎七年九月初二日具題十月初五日奉

聖旨吏部知道